

ZAKON

O IZMJENAMA I DOPUNAMA ZAKONA O KRIVIČNOM POSTUPKU BOSNE I HERCEGOVINE

Član 1.

U Zakonu o krivičnom postupku Bosne i Hercegovine ("Službeni glasnik BiH", broj 36/03) član 144. stav (1) mijenja se i glasi:

"Pritvorenik ima pravo na posjete lica po svom izboru, osim u slučajevima kada sudija za prethodni postupak donese pisanu odluku o zabrani određenih posjeta zbog njihovog štetnog djelovanja na tok postupka".

U članu 144. stav (2) mijenja se i glasi:

"Pritvorenici koji su strani državljani imaju pravo na posjete svojih diplomatskih i konzularnih predstavnika ili predstavnika države koja štiti njihove interese, u skladu s međunarodnim pravom i internim propisima kojima se regulira pritvor, osim u slučajevima kada sudija za prethodni postupak donese pisanu odluku o zabrani određenih posjeta zbog njihovog štetnog djelovanja na tok postupka".

U članu 144. stav (3) mijenja se i glasi:

"Pritvorenik smije održavati povjerljivu prepisku s bilo kojim drugim licem, osim u slučajevima kada sudija za prethodni postupak donese pisanu odluku o zabrani takve prepiske. Pritvoreniku se ne može zabraniti slanje molbi, pritužbi i žalbi".

Član 2.

Član 145. briše se.

Član 3.

Član 146. mijenja se i glasi:

"Član 146.

Obilazak pritvorenika

Predsjednik Suda, sudija za prethodni postupak, sudija ili predsjednik vijeća mogu u svako doba obilaziti pritvorenike, s njima razgovarati i od njih primati pritužbe".

Član 4.

Ovaj zakon stupa na snagu osmog dana nakon objavljivanja u "Službenom glasniku BiH".